

富
婦
州
堂
醫
學
叢
書

金寶譜方

光緒四年秋日

梁濠波署檢

欽定四庫全書

產育寶慶集方

提要

臣等謹按產育寶慶集方二卷不著撰人名氏宋史藝文志以爲郭稽中撰考陳振孫書錄解題稱濮陽李師聖得產論二十一篇有說無方醫學教授郭稽中爲時良醫以方附諸論末遂爲完書則稽中特因師聖所得舊本增以新方非所自撰宋史所載似未見陳氏說也然稽中所增合產

論共爲一卷於此本不合以卷首諸序考
之蓋括蒼陳言撰三因方常取其方論各
評得失婺醫杜蒨因採其所評附入各條
之下後趙瑩得產乳備要增以楊子建七
說合於產論爲一集有冀致君者又掇御
藥院雜病方論及八月產圖體玄子借地
法安產藏衣方位綴于其末是輾轉增益
已非郭氏之舊特沿其舊名耳其書世罕
傳本今載於永樂大典者得論二十一陳
言評十六方三十四爲一卷產乳備要暨

經氣妊娠等證方六十二爲二卷其體玄
子借地法永樂大典佚不載今亦闕焉按
胎教之法古人所重賈誼新書所引青史
氏之記劉向列女傳所記太任育文王之
事尙可見崖略惟產育方藥則罕專書唐
書藝文志有咎殷產寶一卷始別立一門
今其書不傳則講妊育者當以是書爲最
古矣卷中惟陳言之論標識姓名餘皆不
標爲誰說今以原本體例推之上卷之方
皆出郭氏下卷婉乳安產經氣三條外殆

卽楊氏之說所附方藥殆卽冀致君所採
御藥院方也陳言有三因方已著錄楊子
建名倅有楊氏家藏方今未見李師聖等
皆南宋人冀致君序稱諸人爲宋儒又稱
近在燕趙間蓋元人云乾隆三十年二月
恭校上

原序

人有一念之善可以動天地感鬼神至其充大之則
利益于世奚有限量人惟溺于私欲雖有善念爾汝
其心差殊其見畦畛其用險隘偏小不足觀矣趙君
德脩公族之賢者其爲人也用心平處已正議論不
阿曲事無纖巨一歸于是每念貧而病者艱于得藥
惠施周急常恐不及非吉人爲善惟日不足者乎今
又取諸家產方之得效者集爲一編鋟木廣施善念
之充若火之然若泉之達莫之能禦則是方一出見
者用者活者將不可勝計其利溥哉與世之有藥而

不施施藥而秘其方者天淵矣劉四垣序

右產育寶慶集方郭稽中纂李師聖作序于山甫印
施余始宦歷陽而師聖憲淮西山甫時侍因得數帙
始置篋笥未窺其妙洎余室家薛中不豫初苦寒熱
殆如瘧狀及閱此方得其增損四物湯適中其病製
之以服至再而愈嘗復苦腹痛瀉痢又得第十論調
中湯服之不再而頓止異時蓐後復苦痞悶咽乾因
詰其證果復渴甚中夜得見睨丸方待且置藥旋成
纔服既患已安矣自是余家頗神此方往往因人傳
授及付以方無不獲效頃在泚訪表舅李師禮及門

且久聞妾在蓐方病危篤嘔吐脹滿粥藥不下因語
此方遍索之不得德邵兒領學事淮右聞之遍令公
皂購之始得印本于醫家乃李憲攝帥日施于郡人
者也尋得大聖散合成姑試服而不嘔良久與粥凡
三服而無恙師禮以爲神亟欲鏤板但未得其全本
余欲刊施而未暇近以海陵親戚間有患崩中不止
者須臾眼黑眩暈殆至闕死時篋中偶有清魂散急
遣灌之良久稍蘇再進遂安益信此方之妙無不獲
效者中間止餘一帙以喜禾相知借去遂亡其本每
以爲恨後十餘年與山甫相遇都城時方同在園中

雖憂懔百不暇及首詢此板屬以居相近因得印之
復以此本遺山甫因書于後王晉序

婦人產育雖曰常事其實甚危調護或失其宜藥石
或乖其用則爲害不細此前輩所以諄諄于方論之
間也余友人得產乳備要乃盱江傅君教授常刊于
澧陽郡庠因以家藏舊本稍加校正增以楊子建七
說并產論同爲一集鈔木以廣之庶幾有補于萬一

云趙瑩序

醫家者流嘗謂甯治百男子不治一婦人況產婦乎
蓋療產婦之證爲難而產前之證尤難胎氣旣成世

之人徒知以十月爲產期而不知有過期之產者宋
儒已論之詳矣亦謂之常而不謂之變甚哉異人異
書之爲可重此產育寶慶之書所以增廣其傳也書
旣刊行德脩命題其後余憮然曰是書之出無患其
不傳吾聞君子居其室出其言善則千里之外應之
今子處獨善之時而有兼善之心不其大矣乎將見
不期應而應之至是可喜也寓齋老人序

山野草澤間苦無素業醫流妙手產媪是書足以備
一時緩急之用觀此前序足見其人矣頤齋老人題
娠娠之理內經定以十月爲正產者尙矣間有過期

者蓋古之賢聖之生如此然聞其語未見其人也比
年以來妊之過產者遠者不得而知近在燕趙間時
復有之方妊之初也信其爲妊及其過產則反疑其
非妊也問之產媪則曰未之見也問之名醫則曰出
月出月者貴問之方士則曰妖也以妖治之問之庸
醫則曰病也以病治之二者俱失至有子母俱不救
者旣而方知其妊也雖悔其可追耶余聞之甚可悼
矣恨無可考之方以破其惑也一日過醫公李甯之
家示一書曰產育寶慶集披讀一二蓋宋儒李師聖
郭稽中楊子建輩之所編集至生產篇云婦人懷胎

有七月八月九月十月而產者亦有經一年至二年
三年四年五年而後產者蓋人之生陰注陽定自有
時日不可改移今獨限以十月似爲未盡讀不終篇
不覺屢歎惜乎此書在世希有若能廣傳使天下共
知則人生安得罹殤天之禍乎意謂婦人方經雖多
而產書難其全者若是一或廢失世間必不復有也
因問誰氏之書公曰外郎楊士表所秘藏也輒親往
謁告以情實求之忻然見許遂得原書印本方議刊
行公曰此止一產書也若更將御藥院雜病方論并
入月產圖體玄子借地法安產藏衣方位附之合爲

一集可爲完書矣余喜從之猶恐有錯謬未書者更命諸名醫復加校正余謂公曰書則完矣當如之何參謀周德甫聞之毅然贊成遂命工刊行自今以始庶令妊婦得安產媪無失家自可以修藥人自可以爲醫來者可知而傳之愈廣矣冀致君序

余收產論二十一篇議論精確無所不究蓋國醫博士極方書所得之妙惜乎有其說而無其方郭君稽中爲時良醫尤長于治產故其切脈用藥屢獲奇效一日願以所收家方附于諸論之末遂爲完璧真集衆益之異書也古人謂人子而不學醫者爲不孝則

有方論而不傳于世者其可謂之仁哉李師聖序

產育寶慶集方卷上

宋李師聖等編

第一論曰熱疾胎死腹中者何答曰因母患熱疾至六七日以後藏府極熱薰灼其胎是以致死緣兒身死冷不能自出但服黑神散煖其胎須臾胎氣溫煖即自出何以知其胎之已死但看產舌色青者是其

驗

黑神散

桂心

當歸

芍藥

甘草 炙

乾薑

炮

生地

各一兩

黑豆

炒去皮
二兩

附子

炮去皮
臍半兩

右爲末每服二錢空心温酒調下一法無附子有

蒲黃

陳言評曰夫妊娠謂之重身二命係焉將理失宜皆能損胎不特病薰灼所致或因傾仆驚恐出入觸冒及素有癥瘕積聚壞胎最多候其舌青卽知子死養胎論云面青舌赤母死子生青唇吐涎子母俱死又有雙懷二胎或一死一活其候尤難知是非臨期觀變未易預述不可不備述也然以黑

神散温胎未若補助產母使其氣正免致虛乏困頓胎自下矣催生丹殊勝黑神散

催生丹 治胎死腹中或產母氣乏頓產道乾澀

蒼朮 米泔浸
二兩

桔梗 一兩

陳皮 六錢

白芷

桂心

甘草 炙各
三錢

當歸

川烏頭 炮去
皮尖

乾薑 炮

厚朴 製

南星 炮

附子 炮去
皮臍

半夏 湯洗
七次

茯苓

芍藥 各二
兩

杏仁 炒去
皮尖

阿膠 麩炒各二
錢五分

川芎 錢
半

枳殼 麩炒
四錢

南木香 一錢

右爲末每服一大錢溫酒下覺熱則用新汲水調
白蜜服

第二論曰難產者何答曰胎側有成形塊呼爲兒枕
子欲生時枕破與敗血裹其子故難產但服勝金散
逐其敗血卽自生若逆生橫生並皆治之

勝金散

麝香

一錢

鹽豉

一兩用舊青布裹了燒令
通紅急以乳槌碎爲末

右共爲末取秤槌燒紅以酒淬之調下藥一錢

陳言評曰產難不但胎側有兒枕破裏凝隨其胎
息因緣自有難易其遇橫逆多因坐草太早努力

過多兒轉未逮或已破水其血必乾致胎難轉若
先露腳謂之逆先露手謂之橫法當以微鍼刺之
使自縮人卽服神應黑散以固其血必自轉生養
生方云倉皇之間兩命所係不可不廣傳益贊黑
散之功也或以鹽搽兒腳底抓搔之

神應黑散 治橫生逆生難產

百草霜

香白芷

各等分

右爲末每服二錢童子小便好醋各一茶腳許調
勻更以沸湯浸四五分服止一服見功甚者再服
卽分娩矣一名烏金散

第三論曰胎衣不下者何答曰母生子訖血流入衣中衣爲血所脹是故不得下治之稍緩脹滿腹中以次上衝心胸疼痛喘急者難治但服奪命丹以逐去衣中之血血散脹消胎衣自下而無所患

奪命丹

附子

半兩炮
去皮臍

牡丹皮

一兩

乾漆

一分搗碎
炒烟盡

右爲末釀醋一升大黃末一兩同熬成膏和藥丸如桐子大溫酒下五七丸不以時

牛膝湯 治產兒已出胞衣不下臍腹堅脹急痛甚及子死腹中不得出

牛膝酒

浸酒

瞿麥各四兩

滑石八兩

當歸

浸酒

木通各六兩

葵子五兩

按陳言第三論評闕

第四論曰產後血暈悶者何答曰產後氣血暴虛未得安靜血隨氣上迷亂心神故眼前生花極甚者令人悶絕不知人口噤神昏氣冷醫者不識呼為暗風若作此治之病必難愈但服清魂散即省

清魂散

澤蘭葉

人參各一分

荆芥穗一兩

川芎半兩

右爲末温酒熱湯各半盞調一錢急灌之下咽卽
開眼氣定省人事

陳言評曰產後暈眩頃刻害人須量虛實爲治若
胸中宿有痰飲阻病不除產後多致眩暈又血盛
氣弱氣不使血逆而上攻此等皆非清魂可療仍
用半夏茯苓湯血壅須用牡丹皮散但馱藥尤難
輒用當識輕重所謂擾乎可擾擾亦無擾若氣血
平人因去血多致暈者芎藭湯尤佳

半夏茯苓湯

半夏

湯洗
三兩

茯苓

熟地

各一
兩

陳皮

細辛

蘇葉

川芎

人參

芍藥

桔梗

甘草

各六錢

右咳嗽每服四大錢水二盞薑七片煎七分去渣
空心服有客熱煩渴口生瘡者去陳皮細辛加前
胡知母腹冷下利者去地黃入桂心炒胃中虛熱
大便秘小便濇加大黃一兩八錢去地黃加黃芩
六錢

牡丹皮散

治產後血暈悶絕狼狽若口噤則搥開

灌之必效

牡丹皮

大黃蒸

芒硝各一兩

冬瓜子

半合

桃仁

三十七粒
去皮尖

右咳吐每服五錢水三盞煎至一盞半去渣入芒硝再煎分二服欲產先煎下以備緩急金匱以此

治腸癰但分兩少異

芎藭湯

方在第十三論

第五論曰產後口乾痞悶者何答曰產後榮衛大虛血氣未定食麪太早胃不能消化麪毒結聚于胃脘上薰胸中是以口乾煩渴心下痞悶醫者不識認爲胸膈壅滯以藥下之萬不得一但服見視丸

見眼丸

薑黃

京三稜

華澄茄

陳皮

去白

高良薑

人參

蓬莪茂

右七味等分爲末用細切蘿蔔漫火煮令爛研細將汁煮糊丸桐子大蘿蔔湯下三十丸不以時

陳言評曰產後口乾痞悶未必只因食麩或產母內積憂煩外傷燥熱飲食甘辛使口乾痞悶當隨其所因調之可也心煩宜四物湯去地黃加人參烏梅煎若外傷燥熱看病何經當隨經爲治難以

備舉飲食所傷見睨丸卻能作效

四物湯方見第六論

第六論曰產後乍寒乍熱者何答曰陰陽不和敗血不散皆令乍寒乍熱產後血氣虛損陰陽不和陰勝則乍寒陽勝則乍熱陰陽相乘則或寒或熱若因產勞傷藏府血弱不得宣越故令敗血不散入于肺則熱入于脾則寒醫人若誤作瘧疾治之則謬矣陰陽不和宜增損四物湯敗血不散宜奪命丹又問二者以何別之答曰時有刺痛者敗血也但寒熱無他證者陰陽不和也增損四物湯不一皆隨病加減

增損四物湯

當歸

人參

芍藥

川芎

炮薑

各二兩

甘草

炙四錢

奪命丹

方見第三論

右呔咀每服四錢水一盞薑三片煎六分去渣熱服

陳言評曰乍寒乍熱榮衛不和難以輕議若其敗血不散豈止入脾肺二藏耶大抵一陰閉一陽卽作寒熱陰勝故寒陽勝故熱只可云敗血循經流入閉諸陰則寒閉諸陽則熱血氣與衛氣解則休遇再會而復作大調經散五積散入醋煎佳

大調經散 治產後血虛惡露未消氣爲敗濁凝滯
榮衛不調陰陽相乘憎寒發熱或自汗或腫滿皆氣
血未平之故也

大豆

炒去皮
一兩半

茯神

一兩

真琥珀

一錢

右爲末用濃煎烏頭紫蘇湯下

五積散

治感寒濕與脾胃氣閉腰腹痛及有積聚

蒼朮

米泔浸一宿
二十兩

桔梗

十兩

陳皮

六兩

白芷

甘草

炙

當歸

各二兩

川芎

一兩半

芍藥

白茯苓

半夏

湯去滑
各一兩

麻黃

去節春夏二兩
秋冬三兩

乾薑 春夏三兩 厚朴 薑製炒

秋冬四兩 二兩

枳殼

桂 分兩 原闕

右先將前十二味㕮咀微炒令香取出當風涼之
入後枳殼桂朴三味同爲細末每服三錢水一盞
薑三片棗二枚煎七分食前溫服產婦陣疎難產
經二三日不生胎死腹中或產母氣乏委頓產道
乾澀加順元散水七分酒三分煎相繼兩服氣血
內和卽瘥胎死者不過三服當下其順元散量產
母虛實加減

順元散

烏頭炮去皮
尖二兩

附子炮去
皮尖

天南星炮各
一兩

木香半兩

右爲末同前法煎此藥治內外感寒脈沈伏遲細
手足冷毛髮恟慄傷寒陰症大啜一二盃氣和汗

出卽愈

第七論曰產後四肢浮腫者何答曰產後敗血乘虛
停積于五臟循經流入于四肢留淫日深卻還不得
腐壞如水故令四肢面目浮腫醫人不識便作水氣
治之凡治水腫多用導水藥極能虛人夫產後既虛
又以藥虛之是爲重虛往往多致天枉但服調經散

血行腫消即愈

調經散

沒藥

另研

琥珀

另研

桂心

赤芍藥

當歸

各一錢

細辛

麝香

另研各半錢

右爲末每服半錢匕生薑汁温酒各少許調勻服

陳言評曰產後浮腫多端有自懷孕腫至產後不

退者有產後失于將理外感風寒暑濕內作喜怒

驚憂血與氣搏留滯經絡氣分血分不可不辨要

當隨所因脈證治之宜得其情調經散治血分固

效但力淺難憑不若吳茱萸湯枳實湯奪魂散大調經散皆要藥也

加減吳茱萸湯 治婦人藏氣木虛夙挾風冷胸膈滿痛腰脇絞刺嘔吐惡心飲食減少身面虛浮惡寒戰慄或泄痢不止少氣羸困及因生產藏氣暴虛邪冷內勝宿疾轉甚

吳茱萸 湯洗七次
炒一兩半

桔梗

甘草 炙

乾薑 炮

麥冬 去心

防風

細辛

當歸 酒洗
炒

半夏 湯洗
七次

茯苓

丹皮

桂心各半兩

右咬咀每服四錢水一盞半煎七分去渣空心熱

服

枳實湯 治心下堅大如盤邊如旋盤水飲所作名

曰氣分

枳實

麩炒去瓢一兩五錢

白朮

一兩

右咬咀每服四錢水盞半煎七分去渣溫服腹中

軟卽散

奪魂散 治婦人產後虛腫喘促利便卽愈

生薑

取汁

白麩

各三兩

半夏

七箇湯洗去滑

右以生薑汁泔麩裹半夏爲七餅子炙焦熟爲末
熱水調一錢小便利爲效

大調經散

最治產後腫滿喘急煩渴小便不利見

第六
論

第八論曰產後乍見鬼神者何答曰心主身之血脈
因產傷耗血脈心氣則虛敗血停積上干于心心不
受觸遂致心中煩燥起臥不安乍見鬼神言語顛倒
醫士不識呼爲風邪如此治之必不得愈但服調經
散每服加生龍腦一捻得睡卽安

調經散

方見第七
論

按陳言第八論評闕

第九論曰產後不語者何答曰人心有七孔三毛產後血氣弱多致停積敗血閉于心竅神志不能明了又心氣通于舌心氣閉塞則舌亦強矣故令不語如此但服七珍散

七珍散

人參

石菖蒲

川芎

熟乾地黄

各一兩

細辛

一錢

防風

硃砂

研各半兩

右爲末每服一錢薄荷湯調下不以時

按陳言第九論評闕

第十論曰產後腹痛又瀉利者何答曰產後腸胃虛怯寒邪易侵若未滿月飲冷當風乘虛入留于盲膜散于腹脇故腹痛作陣或如錐刀所刺流入大腸水穀不化洞泄腸鳴或下赤白胘脇臏脹或走痛不定急服調中湯立愈若醫者以爲積滯攻之則禍不旋踵謹之

調中湯

良薑

當歸

桂心

芍藥

附子
炮

川芎

各
兩

甘草

炙五錢

右以咀每服三錢匕水三盞煎一盞去渣熱服

陳言評曰產後下利非止一證當隨所因而調之
既云飲冷當風何所不至寒熱風濕本屬外因喜
怒憂思還從自性況勞逸飢飽皆能致病若其洞
泄可服調中赤白帶下非此能愈各隨門類別有
正方今錄桃膠散白頭翁湯下以備用餘從滯下
門中選用之

沈香桃膠散

治產後利下赤白裏結後重疼刺疼

痛等證

桃膠 瓦上焙乾

沈香

蒲黃 隔紙炒 各等分

右為末每服二錢陳米飲調下空心服

白頭翁湯 治產後下利虛極

白頭翁

甘草

阿膠 各二兩

黃連

藥皮 去粗皮

秦皮 去粗皮 各三兩

右咬咀每服四錢水一盞半煎七分去渣空心服

第十一論曰產後遍身疼痛者何答曰產後百節開

張血脈流走遇氣弱則經絡肉分之間血多留滯累

日不散則骨節不利筋脈引急故腰背不得轉側手

腳不能動搖身熱頭痛也若醫以為傷寒治之則汗

出而筋脈動搖手足厥冷變生他病但服趁痛散以
默除之

趁痛散

牛膝

當歸

桂去
皮

白朮

黃芪

獨活

生薑

各五錢

薤白

甘草

各一分

右爲粗末每服半兩水五盞煎至二盞去渣熱服
陳言評曰趁痛散不特治產後氣弱血滯兼能治
太陽經感風頭疼腰痛自汗發熱若其感寒傷
食憂恐驚怒皆致身腫發熱頭痛況有蓐勞諸證

產育寶身集
尤甚趁痛散皆不能療不若五積散入醋煎用卻不妨

第十二論曰產後大便秘澀者何答曰產婦水血俱下腸胃虛竭津液不足是以大便秘澀不通也若過五六日腸中悶脹者此有燥糞在藏府以其乾澀未能出耳宜服麻仁丸以津潤之若誤以爲有熱而投之以寒藥則陽消陰長變動百出性命危也

麻仁丸

麻仁

研

枳殼

炙

人參

大黃

各半兩

右爲末煉蜜丸梧桐子大空心溫湯下二十丸未
通加丸數

陳言評曰產後不得痢痢者百無一生去血過多
藏燥大便秘澀則固當滑之大黃似難輕用惟葱
涎調蠟茶爲丸復以葱茶下之必通

阿膠枳殼丸 治產後虛羸大便秘澀

阿膠

枳殼

麩炒去
瓢等分

右爲末蜜丸如梧子大別研滑石爲衣溫酒下二
十丸半日來未通再服

第十三論曰產後血崩者何答曰產後傷耗經絡未

得平復而勞役損動致血暴崩下淋漓不止或因鹹
酸不節傷蠹榮衛氣衰血弱亦變崩中若小腹滿痛
肝經已壞爲難治急服固經丸以止之

固經丸

艾葉

赤石脂煨

補骨脂炒

木賊

各半兩

附子

一枚炮
去皮臍

右爲末陳米飲和丸桐子大食前溫酒下二十丸
米飲亦得

陳言評曰血崩不是輕病況產後有此是謂重傷
恐不止鹹酸不節而能致之多因憂驚恐恚藏氣

不平或產後服斷血藥早致惡血不散鬱滿作堅亦成崩中固經丸似難責效不若大料煮芎藭當歸加芍藥湯候定續次隨證合諸藥治之爲得

芎藭散 治產後去血過多暈悶不省及傷胎去血多不止懸虛心煩眩暈頭重目昏耳聾舉頭欲倒諸證

芎藭

當歸

洗去土焙乾各等分

右剉爲末每四錢水一盞半煎七分去渣熱服

第十四論曰產後腹脹悶滿嘔吐不定者何答曰血散于脾胃脾受之不能運化精微而成腹脹胃受之

則不得受納水穀而生吐逆醫者不識若以尋常治
脹止吐藥療之病與藥不相干轉更傷動正氣疾愈
難治但服抵勝湯必瘥

抵勝湯

赤芍藥

半夏

湯洗七次

澤蘭葉

人參

陳皮

各二錢

甘草

炙一錢

右以咀作一劑水三碗薑半兩煎至兩盞去渣服

按陳言第十四論評闕

第十五論曰產後口鼻黑氣起及鼻衄者何答曰陽
明者經脈之海起于鼻交頰中還出挾口交人中左

之右右之左產後氣消血散榮衛不理散亂入于諸經卻還不得故令口鼻黑起及變鼻衄此緣產後虛熱變生此疾其疾不可治名曰胃絕肺敗不出方

按陳言第十五論評闕

第十六論曰產後喉中氣急喘者何答曰榮者血也衛者氣也榮行脈中衛行脈外相隨上下謂之榮衛因產所下過多榮血暴竭衛氣無主獨聚于肺中故令喘也此名孤陽絕陰爲難治若惡露不快敗血停凝上熏于肺亦令喘急如此但服奪命丹血去喘息自定

奪命丹

方見第三論

陳言評曰產後喘急固可畏若是敗血上熏于肺

猶可責效奪命丹若感風寒或因憂怒飲食鹹冷

等奪命丹未可均濟況孤陽絕陰平若榮血暴絕

宜大料煮芎藭湯亦自可救傷風寒宜旋覆花湯

性情鬱發宜小調經散用桑白皮杏仁煎湯調下

傷食宜見睨丸五積散

見睨丸見第五論五積散見第六論芎藭湯見第十

三論小調經散闕或即第七論中調經散

旋覆花湯

治產後傷感風寒暑濕咳嗽喘滿痰涎

壅塞坐臥不安

旋覆花

赤芍藥

半夏麩

前胡

麻黃

去根節

荆芥穗

五味子

甘草

炙

茯苓

杏仁

各等分

右咬咀每服四錢水一盞半薑五片棗一箇煎七

分去渣空心服

第十七論曰產後中風者何答曰產後五七日內強力下牀或一月之內傷于房室或懷憂發怒擾蕩沖和或因著灸傷動藏府得病之初眼澀口噤肌肉腫痛以漸腰脊筋急強直者不可治此人作非偶爾中

風所得也

陳言評曰問產後中風風是外邪血虛則或有中
之者直答以人作不可治問答不相領解如何開
示後人立論之難有如此者若是中風當以脈辨
看在何藏依經調之強力下牀月內房室憂愁著
灸非因風類蓐勞性氣火邪治各有法非產後病
不暇繁引學者識之

第十八論曰產後心痛者何答曰血者心之主人有
伏宿寒因產大虛寒搏于血血凝不得消散其氣遂
上衝擊于心之絡脈故心痛但以大巖蜜湯治之寒

去則血脈溫而經絡通心痛自止若誤以爲所傷療之則虛極寒益甚矣心絡寒甚傳之正經則變爲真心痛朝發夕死夕發朝死藥不可輕用如此大巖蜜湯

熟地

當歸

獨活

吳茱萸湯泡

乾薑

芍藥

桂心

甘草炙

小草各一兩

細辛半兩

右剉爲散每服半兩水三大盞煎至一盞去渣微

熱服

陳言評曰產後心痛雖非產蓐常病庸或有之凡痛未必便是血痛設是巖蜜湯豈可用熟地黃等藥泥血安能去痛此方本出千金用生乾地黃吳茱萸一升合淮五兩乾薑三兩細辛治陳寒在下焦方本一兩卻減作半兩制奇制偶量病淺深自有品數不可妄意加減然以巖蜜湯治血痛不若失笑散用之更效

失笑散 治心腹痛欲死百藥不效服此頓愈

五靈脂

蒲黃

微炒各等分

右爲細末先用醞醋調二錢熬成膏入水一盞煎

七分食前熱服

第十九論曰產後熱悶氣上轉為腳氣者何答曰產後血虛生熱復因春夏取涼過多地之蒸濕因足履之所以著而為腳氣其狀熱悶掣癢驚悸心煩嘔吐氣上皆其候也服小續命湯兩三劑必愈若醫者誤以逐敗血藥攻之則血去而疾益增劇

小續命湯

麻黃 去節 湯泡

防已

人參

黃芩

桂心

甘草 炙

白芍

川芎 各一兩

杏仁 一兩泡去皮尖炒

附子

一枚炮
去皮臍

防風

兩半

右劉爲散每服四大錢水一盞半薑七片棗二箇
煎七分去渣不拘時服

陳言評曰腳氣固是常病未聞產後能轉爲者往
往讀千金見產婦多此疾之語使出是證文辭害
意可槩見矣是熱悶氣上如何令服續命湯此藥
本主少陽經中風非均治諸經腳氣須要依腳氣
方論陰陽經絡調之此涉專門未易輕論既非
產後要病更不繁引

第二十論曰產後汗出多而變瘧風者何答曰產後

血虛肉理不密故多汗因遇風邪搏之則變瘧風也
瘧者口噤不開背強而直或發癎狀搖頭馬鳴身反
折須臾復發氣息如絲宜速斡口灌小續命湯稍緩
卽汗出如兩手拭不及者不可治

小續命湯

方見第
十九論

陳言評曰產後汗出多變瘧瘧亦令服續命湯此
又難信旣汗多如何更服麻黃官桂防己黃芩輩
不若大豆紫湯爲佳太醫局方大聖散亦良藥也
大豆紫湯 治中風頭眩惡風治汗吐冷水及產後
有病中風痺瘧背強口噤直視煩熱

獨活

一兩半

大豆

半升

酒

三升

右先浸獨活煎一二沸別炒大豆極焦烟出急投酒密封候冷去豆每服一二合許得少汗則愈日數十服此湯能去風消血結如妊娠折傷胎死腹中服此得產

大聖散

方闕

第二十一論曰產後所下過多虛極生風者何答曰婦人以榮血爲主因產血下太多氣無所主唇青肉冷汗出目眩神昏命在須臾此但虛極生風也如此急服濟危上丹神良若以風藥治之則誤矣

濟危上丹

乳香 研

五靈脂 研

硫黃 研

太陰玄精石 研

陳皮 去白

桑寄生

真阿膠 炙

卷柏 生等

右將上四味同研勻石器內微火上炒勿令焦再研極細後入餘藥末用地黃汁糊丸梧桐子大產後溫酒下二十丸當歸酒亦得

陳言評曰所下過多傷損虛竭少氣唇青肉冷汗出神昏此皆虛脫證何以謂之生風風是外淫必自感冒中傷經絡然後發動藏府豈能自生風也

產育寶慶集方
風虛之說蓋因脈經云浮爲風爲虛此乃兩病合
說在人迎則爲風在氣口則爲虛後學無識便謂
風虛是一病謬濫之甚學者當知

產育寶慶集方卷上

產育寶慶集方卷下

宋李師聖等編

產乳備要

媿乳大致方書浩博自非素習誰能適從危殆之間頗艱應用今採摭諸方論中將護要法及預備經效要用湯藥名曰產乳備要務從簡易以救倉卒

凡產婦合要備急湯藥並須預先修合題號恐臨時倉卒難致臨月慎勿多飲酒卽依產圖方位擇深靜房室入月一日卽貼借地法于房內北壁薰令香潔安產藏衣方位

此與太平聖惠方同但彼以支言而此以干言故兩存之

正月丙位安產吉

壬位藏衣吉

丁天德藏衣吉

二月甲位安產吉

庚位藏衣吉

坤天德藏衣吉

二月壬位安產吉

丙位藏衣吉

壬天德藏衣吉

四月庚位安產吉

甲位藏衣吉

辛天德藏衣吉

五月丙位安產吉

壬位藏衣吉

乾天德藏衣吉

六月甲位安產吉

庚位藏衣吉

甲天德藏衣吉

七月壬位安產吉

丙位藏衣吉

癸天德藏衣吉

八月庚位安產吉

甲位藏衣吉

艮天德藏衣吉

九月丙位安產吉

壬位藏衣吉

丙天德藏衣吉

十月甲位安產吉

庚位藏衣吉

乙天德藏衣吉

十一月壬位安產吉

丙位藏衣吉

巽天德藏衣吉

十二月庚位安產吉

甲位藏衣吉

庚天德藏衣吉

凡欲生產切不得喧鬧產婦房門常須關閉選一年
高性和善產婆又選穩審謹慎家人一兩人扶持切
不用揮霍致令產婦憂恐又忌閑雜外人喪孝穢濁
之人瞻視若不慎之定是難產小兒若干腹中痛來
但令扶行或行不得且立候行得便行或痛作陣眼
中如火生此是兒回轉卽進琥珀散一服直至行不

得卽扶上蓐草務要產婦惜力或心中熱鬧取白蜜一匙新汲水調下或未解卽吞生雞子一枚

琥珀散 治產後惡血不盡結聚小腹疼痛

琥珀散 半兩

當歸 三分到微炒

沒藥 半斤

青橘皮 半兩湯浸去白瓢焙

赤芍藥 半兩

不香 半兩

桂心 半兩

香附子 一兩

右藥擣細爲散不計時候以豆淋酒調下一錢

若產後心空但時與琥珀散一服或煎芍藥湯進之更不用他治當進温粥慎勿與熱食熱食則滯血或

三五日內但覺腹中搗痛兒枕未定即進定痛散二服

芍藥湯 治產後因血不快利氣上攻心腹痛

芍藥 二兩

黃耆 剉

白芷

人參

芎藭 切炒

生乾地黃 焙

甘草 炙各一兩

白茯苓 去黑皮一兩半

右為粗末每服三錢七水一盞煎取七分去渣入

酒少許溫服不拘時候

芍藥湯 治產後虛乏不思飲食四肢昏倦心腹陣

痛補虛治氣

當歸一兩半切焙

人參

肉桂

生薑後入

甘草各一兩

芍藥一兩

右爲末每服三錢水二盞入棗二枚煎至一盞去滓溫服日三次

定痛散 治產後惡血不止腹內熱痛不可忍及兒

枕未定

當歸切焙

芍藥各二兩

桂心一兩或以川芎代之

右爲末每服二錢水酒共一盞生薑一塊彈子大拍破同煎至六分去滓溫服

夫人生產自有時候痛不甚者名曰試痛宜須強行

熬忍宜食軟飯若食飯不得卽宜食粥及飲蜜漿勿
令飢渴恐產婦無力困乏若經時不產進通靈散一
服若生畢暖少許醋墨與呷以童子小便調七寶散
一服心中自然開爽不住燒磚石以醋沃之直至七
日要令產婦鼻中嘗聞醋氣宜燒茅香白芷皂莢等
物慎勿令見穢惡若產訖忽覺心中昏悶或眼花如
在舟車中卽是血暈急須服牡丹飲子黑神散

通靈散 催生

用蛇蛻皮一條全者緊捲以蚯蚓泥裹燒黑近藥
處泥些少用不妨細研爲末每服一錢温酒調下

又方 治產後惡血不下兒枕不散小腹疼痛

細墨

濃研半盞

好醋

半盞

沒藥

一分

右用童子小便少許同煎五七沸温服不拘時候

七寶散 治初產後勻血和氣補虛壓驚悸

硃砂

研如粉

桂心

乾薑

炮

當歸

切焙

川芎

人參

羚羊角灰

茯苓

右各杵爲細末若產婦平和三臘以前直至滿月每日各取一字匕以羌活豆淋酒調下空心服若覺心胸煩熱卽減薑桂冷卽加之腹痛加當歸心

悶加羚羊角心中虛氣加桂不下食或惡心加人參虛戰加茯苓以意斟酌日二夜一服不飲酒者以童便溫調下

牡丹飲子

方闕

黑神散

防暈備急

驢護肝不計多少以桑柴火燒以刀刮取黑煤更刮令盡研細入真麝香少許如纔產了及覺血上衝心暈悶取一錢以熱酒和童子小便調下

薑粉散

纔產服此藥盪盡兒枕除百病源

當歸

官桂

不待見火

人參

茯苓

甘草

芍藥

知母

川芎

人黃

炒

黃耆

木香

草豆蔻

白朮

訶子

高良薑

青橘皮

去瓢

熟地黃

少許

右除地黃外各等分焙乾次用附子一箇中樣半兩者炮製入衆藥生薑一片研取自然汁于碗器中停留一食久傾去清汁取下麵粉腳攤在蒟葉中入焙籠焙乾共合地黃搗羅爲末纔產後用末三錢水一盞薑二片棗子一箇擘開同煎至七分

乘熱喫喫後自然產母睡著半日以來睡覺再服
全除卻腹痛一日只可三服至九服不可多服肚
中冷也

當歸血竭丸 治婦人產後惡物不下結聚成塊心
胸痞悶臍下堅痛

當歸

炒

血竭

蓬莪菹

炮

芍藥

各二兩

五靈脂

四兩

右爲細末醋麵糊丸桐子大每服四十丸温酒下
或温粥飲下空心食前服

烏金散

治產後諸疾

紅芍藥

川當歸

乾薑

蒲黃

甘草

熟乾地黃

各一兩

右各為末別用黑豆一合炒令香熟去皮除蒲黃與餘藥共杵為細末于銀器中慢火炒紫色後入蒲黃如產後別無疾每日服一盞豆淋酒調下更不生諸疾若稍有不安服即愈如產後血逆心悶腹搗痛一兩服立止

血竭散 治產後百疾

血竭

沒藥

剪碎

右等分輕手研細頻篩再研取盡為度每服二錢

用小便合陳酒半大盞煎一沸溫調下纔產下一服上牀良久再服其惡血自循下行更不衝上免生百疾

保安丸 治產前產後三十六種冷血氣半身不遂手腳疼痛諸疾並宜服之

赤茯苓

去皮

牡丹皮

白芍藥

各三分

吳茱萸

沈香

各一分

人參

去蘆

當歸

洗切焙

桂皮

牛膝

酒浸

香白芷

木香

藁本

去蘆

麻黃

去節根

川芎

附子

炮去皮臍

細辛

揀淨

蘭香葉

甘草

炙

寒水石

燒

防風

去蘆

桔梗

去蘆

蟬殼

去足翅各半兩

馬鳴退

一兩炙

生乾地黃

一兩

右爲細末煉蜜爲丸如小彈子大每日空心用溫

酒化下一丸療八風十二痺疝瘕乳房中風淋血

積聚并治胎不安子死腹中不過三丸可下死胎

生衣不出一丸便效產前產後痢并赤白帶下及

嘔逆填心疾氣煩滿一丸瘥產後或產前腹中疼

痛遶臍下如刀刺相似一丸便止產難月可日一

服至產不覺疼痛產前傷寒中風體如板煎麻黃

湯化下一丸立效經脈不通或頻併或赤白喫食
無味瘦惡乍寒乍熱面赤唇焦手足煩疼遍身黑
點血斑一切病服此藥悉愈每一丸細嚼宜空心
溫湯送下

二聖散 治產前安胎產後惡血不盡及胎衣不下

羌活

川芎

等分

右爲細末每服二大錢酒少許水七分沸調溫服
方 治產後血痛如刀刺

熟乾地黄

橘皮

等分

右爲末每服一錢粥飲調下尋常痛發可常服

方 治產後頭痛大全良方作奇散

大川芎為末每服二錢水一盞煎至七分溫服立

瘥

方 治產後欬逆

石蓮十箇炒熟 丁香十箇

右為末用米三合煎十沸溫服

方 治產後咳逆不止

狗膽一箇 礞砂 丁香

五靈脂各少許

右為末以狗膽糊丸如白豆大每服一丸生薑水磨

下

方 治產後小便不通

右用慈爛搗蜜調以紙花貼臍下

若三日後覺壯熱頭痛此是乳脈行卽進玉露散二服或大小便秘澀或發寒熱頭痛四肢如碎此是蓐勞或產後大渴胎損吹嬾咳嗽別生他疾及帶起宿患亦宜檢尋別方治之月內不宜多笑強起離牀行或作鍼線運動恣食生硬不避風脫衣洗當時雖無大損滿月後或成蓐勞手腳及腰腿酸重冷痛骨髓間颼颼如風吹縱有名醫卒不能療大都產婦將息

須是百日方可平復大慎犯觸因此多致身體強直
如角弓反張名曰蓐風遂至不救小有虛羸失于將
補便成大患終身悔不及矣慎之慎之

玉露散 治產後乳脈行煩熱或大腸滯澀肌體疼
痛涼膈壓熱下乳

茯苓

人參

甘草

炙各半兩

桔梗

白芷

川芎

各一兩

川大黃

當歸

炒各一分

芍藥

三分

右爲末每服二三錢水一盞煎至七分溫服日三
若臟腑洩瀉卽除大黃

湧泉散 下嬾

川山甲

半兩醋浸炒令輕空

脂麻

退皮合

胡桃

二箇敲去殼湯浸去皮

肉豆蔻

麩包火內炮令

麩焦去麩不用

增損四物湯

與十便良方同云治產後乍寒乍熱

無他痛處者陰陽不和只無人參

當歸

芍藥

人參

川芎

乾薑

各一兩

甘草

炙四錢

右爲末每服二錢水一盞生薑五片同煎至六分

去滓微熱服不以時

若產後四肢安和亦不用多喫酒藥緣氣虛禁持未
得卻多昏眩唯飲童子小便無妨且勿平身側臥夜
常須一人看承令豎起兩膝臥睡卽須頻喚覺虛羸
困乏卽空心進理中丸七寶散七日本外恐喫粥無味
或虛乏無力卽爛煮羊肉汁黃雌雞汁作粥未可喫
肉亦不可喫生冷及硬物便成積滯之患常以淨黑
豆一升炒令烟出以酒五升澆淋入羌活一兩槌碎
同浸常用此酒下藥或時飲一盞大辟風邪令諸疾
不生

理中丸

方闕

七寶散

見前

方 治小兒傷食吐不止

丁香 一粒

巴豆

一箇不出油只用殼 縮砂仁 五箇

大烏梅 一箇

右爲細末丸如黍米大每服二三丸煎藿香湯下

乳後服

經氣調治法

論曰經候者經脈之常候血氣運行恒久之度也陰陽愆伏則月候失常以致太過不及乍多乍少或前或後陰氣乘陽胞寒氣冷血不運行故乍少陽氣乘

陰血熱流散故乍多陰過于陽則期前來陽過于陰則期後至久則或崩漏不止斷絕不行至使面色不澤臍腹時痛久不治之漸致虛損令人斷產變生他疾此皆由衝任虛弱榮衛不調之所致也婦人賦柔弱之質易感易傷氣以榮養之血以滋潤之氣行卽血隨而行氣滯則血凝而窒當調其陰陽順其血氣一有偏勝則經候不調百病生矣可不慎哉

滋陰丹 養血和氣理治榮衛充盛肌膚活血注顏久久服大補衝任調順月經

熟乾地黃

生乾地黃

人參

白茯苓

各二兩

黃耆

甘菊花

枸杞子

丹參

柏子仁

炒

白芍藥

各一兩

右爲細末煉蜜丸如桐子大每服五十丸米飲下

空心食前日進二三服

沒藥丸 治婦人本經不調肌瘦發熱飲食減少

沒藥

芫蔚子

乾薑

蒼朮

川芎

熟乾地黄

白芍藥

當歸

各一兩

血竭

半兩

右除血竭沒藥外咬咀先炒芫蔚子焦黃色次下

乾薑炒令黃次下蒼朮微黃色次下川芎等藥並
令微黃色與血竭沒藥等同爲細末醋煮麵糊爲
丸桐子大每服五六十丸漸加至八九十丸空心
食前溫酒或醋湯亦得日進二服

地黃膏子 治婦人本藏血氣衰乏困倦無力或發
虛熱飲食減少並宜服之

熟地黃

八兩

淨蜜

十八兩

右將熟地黃爲末同蜜熬成膏子丸桐子大空心
食前每服四五十丸溫酒下米飲亦得或作膏子
酒化服不飲酒白湯亦得

八珍散 調和榮衛理順陰陽滋血養氣進美飲食

當歸

川芎

白芍藥

熟地黃

人參

茯苓

甘草

炙

縮砂仁

各等分

右爲粗末每服三錢水一大盞生薑七片棗三枚

去核同煎三五沸去渣放溫空心日進二服

萬病丸 治婦人久虛血氣衰少怠情嗜臥飲食不

進肌體瘦悴精神不足

十使良方名滋陰萬病丸
鄭汝明產經名內補丸

熟乾地黃

當歸

各四兩

右爲細末麵糊爲丸桐子大空心食前每服五十

丸温粥飲下

大保生丸 調和本氣治療諸疾滋補榮衛久服之

大有功效

人參

藁本

白茯苓

當歸

赤石脂

生乾地黄

白芷

延胡索

肉桂去皮

白芍藥

白薇

川芎

白朮

甘草炙

沒藥

牡丹皮半兩

右爲細末煉蜜和丸彈子大空心食前每服一丸

溫酒化下

六神散 治脾氣不和榮衛不足怠惰困倦不嗜飲食服之補真養氣進食充肌

當歸

熟地黃

川芎

地骨皮

黃耆

白芍藥

各一兩

右爲粗末每服五錢水一盞半煎至八分去渣空心溫服

當歸沒藥丸 治婦人真氣虛憊血氣極少不能榮養致使經氣不來或發寒熱飲食減少怠惰嗜臥以致勞虛

當歸

剉炒

沒藥

天仙子

炒黑色

乾薑

炮

蒼朮

炒黃色

芍藥

熟乾地黄

川芎

各等分

右爲細末麵糊爲丸桐子大每服五十丸溫粥飲

下食前服

活血散 治衝任氣虛經事不調或多或少或前或

後並皆治之

當歸

川芎

白芍藥

柴胡

各四兩

肉桂

去粗皮二兩

右爲粗末每服五六錢水一盞半煎至七分去渣

稍熱食後服

誼誼丸 治衝任不和子藏怯弱或經墮胎後元氣不復此藥常服調和衝任氣血

當歸

熟地黃

各一兩

延胡索

澤蘭葉

各一兩半

川芎

赤芍藥

白薇

人參

金釵石斛

各一兩

牡丹皮

一兩

右爲細末醋麵糊爲丸桐子大每服五十丸空心溫酒下粥飲亦得

加味四物湯 治婦人衝任不調臍腹疼痛月事人

時不來及衝任太過致使陰陽不和或發寒熱減食
欲欲成勞病

當歸

地黃

芍藥

川芎

各一兩

柴胡

半兩

黃芩

一二錢半

右以咀服食依前法

地體煎丸

治婦人經氣不調虛煩發熱肌體瘦悴

形羸弱困飲食不進欲成勞病

熟乾地黃

不計多少

右爲末煉蜜爲丸桐子大每服五十丸空心食前

溫粥飲下

當歸地黃丸 治婦人血氣不和月事不勻腰腿疼痛

當歸

熟地黃

川芎

白芍藥

各二兩

牡丹皮

延胡索

各一兩

人參

黃耆

各半兩

右爲末煉蜜和丸桐子大每服三十丸米飲下食前日二服平養氣血

滋血湯 治婦人皮聚毛落心脾俱損血脈虛弱月水愆期益氣養血調進飲食

人參

白茯苓

去皮

熟乾地黃

川芎

當歸

白芍藥

黃耆

乾山藥

各一兩

右爲粗末每服五錢水一盞半煎至一盞去渣溫

服

滋榮丸 治婦人本經衰弱愆期不來及有血結成

塊臍下堅硬疼痛不消並宜治之

熟乾地黄

人參

五味子

赤芍藥

當歸

遠志

去苗

白茯苓

去皮

牡丹皮

桂心

藁本

各一兩

防風

卷柏

細辛

山藥 各半
兩

白朮 三錢

右爲細末煉蜜和丸桐子大每服三十丸食前空

心溫酒下日進三服

當歸良薑散

補養血氣治心腹疼悶脇肋脹滿經

脈不調或赤白帶下腰腳疼痛一切癩疾

高良薑

五兩

厚朴

二兩去
皮薑製

當歸

二兩

桂 去皮
二兩

右爲粗末每服二錢水一盞艾十葉同煎至七分

去滓食前熱服

抽刀散

治婦人心腹脇肋疼痛不忍產前後亦用

川烏頭炮去皮臍

牡丹皮

芍藥

乾薑炮

桂心

沒藥

當歸各等分

右為細末每服二錢熱酒調下不過三服輕可一

服產後加紅花

禹餘糧散 治氣血傷衝任虛損崩傷帶漏久而不

斷或下如豆汁或成片如肝或五色相雜或赤白相

兼臍腹冷痛面體痿黃心忪悸動發熱多汗四肢困

倦飲食減少

禹餘糧醋

伏龍肝

赤石脂

白龍骨

牡蠣

烏魚骨

桂皮去

浮石各等分

右為末每服三錢煎烏梅湯調下食前服白多加
牡蠣龍骨烏魚骨赤多加赤石脂禹餘糧黃多加
伏龍肝桂心隨病加治

禹餘糧丸 治婦人諸疾方

桂皮去

禹餘糧燒酒

人參

龍骨

紫石英

川烏頭

桑寄生

杜仲去皮

五味子

遠志去

澤瀉

當歸洗切

石斛

去根

菴蓉

乾薑

各二兩

川椒

去目炒出汗

牡蠣

燒

甘草

炙

右爲末煉蜜爲丸桐子大每服二十九丸米飲下漸加至三十丸日三服

五聖散

調益榮衛滋養氣血治衝任虛損月水不

調臍腹疼痛崩中漏下血瘕塊硬發歇俱疼妊娠宿冷將理失宜胎動不安血下不止及產後乘虛風寒內搏惡露不下結生瘕聚小腹堅痛卽作寒熱

當歸

熟乾地黄

川芎

白芍藥

各一兩

生乾地黄

三兩

右爲末酒煮麵糊爲丸桐子大每服六七丸食
前溫酒送下

延齡護寶丸 治婦人血藏虛損經候過多每行時
暴下不可禁止因成崩中連日不斷致五臟空虛失
色黃瘦崩竭暫止日少復發不耐動搖小勞輒極劇
此藥但空心服大有效

禹餘糧石

二兩燒醋
淬七遍

龍骨

人參

桂

赤石脂

紫石英

研

熟地黄

杜仲

去粗皮
剉碎

桑寄生

續斷

香白芷

芎藭

當歸剉炒

遠志去心炒

金釵石斛去根剉炒

白茯苓去皮

阿膠炒

牡蠣

五味子

艾葉各一兩

右爲末煉蜜爲丸桐子大每服四五丸温粥飲下空心食前服

必效散 治婦人本經不調及崩漏不止

欖皮燒

木賊二兩去節燒灰存性研細

麝香一錢

右爲細末每服二錢食前温酒調下

方 治內損吐血

飛過麵不計多少微炒過濃磨陳墨一茶腳調下
二錢立效

方 治非時吐血

荆芥連根洗淨搗汁半盞飲之

又方

生地黃自然汁一盞槐花揀淨一兩用地黃汁炒
槐花候地黃汁盡花乾每用三五十粒細嚼之

又方

新綿半兩燒令存性分二服濃煎人參湯調下

靈寶散 治血氣刺痛引兩肋疼痛及疔瘡刺氣

丁香一錢半

木香一錢半

乳香一錢半

當歸

延胡索

白芍藥

各半兩

右爲末每服一錢温酒調下食前服

烏金散 治血崩漏下最治產後血崩并小產血崩

漏下

櫻櫚皮

烏梅

乾薑

燒灰存性各等分

右爲末每服二大錢煎烏梅湯調温服不以時

旋覆花丸

治停痰積飲在脇下久而不愈漸成大

癖心腹脹滿羸瘦不能食食不消化喜睡乾嘔大小

便或澀或利在腸中搖動有水聲或口乾好飲水漿

兩脇疼痛服之必安久服除根

旋覆花去莖

桂皮去

枳實麩炒去瓢

人參各一兩

乾薑炮

芍藥

白朮各一兩

赤茯苓

狼毒

川烏頭炮去皮臍

礬石燒赤各一兩七錢半
芫花醋浸炒乾

吳茱萸湯浸去滑炒黃色

橘皮

細辛去苗

大黃微炒

黃芩去黑心

厚朴去皮生薑製

葶藶隔紙炒各七錢半

甘遂炒半兩

右為細末煉蜜和丸桐子大每服一十九至二十

丸日二服不拘時候

妊娠調養法

蠡斯丸 治婦人無子術金城太守范羅謙上臣驗

此術若服藥四十日無子請戮臣一家以令天下醫

人又名賜子丸

陳無擇三因方作秦桂丸施圓端及方作白薇丸

附子

生去皮臍

白茯苓

去黑皮

白薇

半夏

湯洗七次

杜仲

去粗皮

桂心

秦艽

厚朴

去粗皮各三錢

防風

乾薑

生

牛膝

沙參

各三錢

細辛

去苗半兩

人參

四錢

右爲細末煉蜜丸如小豆大日服五十丸空心任

下如覺無益稍加丸數爲度如服七日後陰陽覺
有娠三日後不可更服臣妻年二十七歲無子服
此藥有娠又殘藥與前太子中舍宇文妻李氏年
四十歲無子服此藥十三日有娠此藥名螽斯丸
屢用屢驗此方不可不廣與人如夫不在家不可
服

凡女人妊娠若素虛羸血氣不足體中有風氣心下
多痰水者遇有胎喜病阻其狀顏色如常脈理和順
但覺肢體沈重頭目昏眩不思飲食惡聞食氣多噉
鹹酸心中憤憊不知患之所在以至三四月以後則

大劇吐逆不能勝舉如此有證則宜服療阻病竹茹
湯人參散地黃丸

竹茹湯 方闕

人參散 治初娠惡食嘔逆

人參 一兩

枳殼 三分麩炒去鬚

厚朴 薑汁塗炙

甘草 炙各半兩

右為粗末每服四錢水一盞半入生薑彈子大二
塊拍破同煎至七分去滓溫服不拘時候

地黃丸 方闕

夫妊娠藏氣皆壅關節不利切不宜多睡食粘硬難

化之物亦不須亂服湯藥大慎鍼灸惟須靜安心神
不得悲憂驚恐負重振動若覺胎藏不安腹中微痛
心意煩悶四體昏倦宜服安胎順氣阿膠散近難月
卽服順胎保安散千金丸

阿膠散 治妊娠不問月數深淺因頓仆胎動不安
腰腹痛或有所下或胎奔上刺心短氣

熟乾地黃二兩 艾葉切焙

當歸切

甘草炙

芍藥

川芎

阿膠炙令燥色

黃耆若虛羸加

右爲末每服四錢水一盞半煎至八分溫服若胸

中冷逆氣加生薑五片棗五枚同煎服

保安散 治妊娠胎氣不安心腹疼痛

當歸

一兩半
切焙

右爲末每服三大錢水一盞半入葱白一莖拍破煎至八分去滓食前溫服未定再服

千金丸 治產前後一切風冷血氣等候產前胎氣不安腰腹疼痛四肢困倦妊娠臨月預合下每日空心一服臨產五臟不痛易產蓐中不生諸疾兼治產後惡血不盡及胎衣不下憎寒壯熱吐逆煩悶皮膚虛腫或血暈狂迷眼見神鬼能調勻血氣

金釵石斛別搗爲細末

秦艽

川椒去子微炒

細辛

防風

貝母麵炒微黃

熟乾地黄焙切

糯米

甘草炙各一分

當歸焙切

大麻仁

黃芩

乾薑炮

大豆蘗以黑豆生芽長

二十焙乾用各三分

石膏半

右精研爲末以煉蜜成劑入臼中杵一千下分爲

七十二丸擇除破天德月德日合每服一丸温酒

調下產後產前赤白帶下温酒嚼下產前後血風

薄荷湯嚼下月信不通當歸酒下臨產艱難或三

五日難產及胎衣不下子死腹中橫生倒產死絕
不語但心頭有熱氣用藥一丸薑棗湯研化灌之
下喉立瘥產後惡血不盡臍腹疼痛嘔吐壯熱憎
寒煩悶月候不調或少肢體虛怠皮腹浮腫產血
不止虛勞中風口噤不語半身不遂產前後赤白
痢大小便秘澀血暈狂語頭痛面色痿黃漸成勞
瘦飲食無味並溫酒研下一丸產前臨月每旦一
丸至臨產用當歸酒下一兩丸催生五藏不痛易
生

救生散

安胎益氣易產

人參

半兩

訶子

濕紙裏煨
令熟去核

白朮

剉炒
黃

陳橘皮

去白
炒

大麥蘖

炒
黃

神麩

細剉炒
各半兩

右爲末每服二錢水一盞煎至六分空心溫服入
月加一倍水二盞煎一盞溫服能令兒緊小乳母
無患

十月厥陰行令地氣不收冬氣不藏萬物反生時有
濛霧人病關閉不禁心痛陽氣不收氣嗽孕婦多暴
死忽墮胎之病宜服暖肝藥以治之治婦人胎動不
安方無問太歲但寅申年十月頻有濛霧淒清之化
孕婦有胎動不安之病宜進後方

方

人參一分

防風一分

當歸一分

五味子一分

白朮一分

續斷一分

川芎兩半

桑寄生三分

甘草三銖

細辛三銖

右爲末每服一錢水一大盞煎至七分空心去滓

服

方 治妊娠患時疾

黃芩尖如錐者

鬱金各一兩

右爲末每服一錢板藍根地黃水下汗出效未得

汗再服即瘥 夏子益衛生十全方內有白朮一錢

石脂散 治姪娠瀉痢

赤石脂 六錢 乾薑 四錢 糯米 一合 炒黃

右為末分為三服水二盞煎至一盞食前溫服

戊巳丸 治泄瀉水穀不分謂之殮泄 方闕

產育寶慶集方卷下